

Aalisarnermut, Piniarnermut Nunalerinermullu Naalakkersuisoq
Medlem af Naalakkersuisut for Fiskeri, Fangst og Landbrug

Inatsisartunut ilaasortaq
Jakob Skade, Kattusseqatigiit Partiiat



Naalakkersuisunut apeqquteqaammut nr. 156-mut akissuteqaat, tassani pineqarluni, utoqqalinersiuteqarnermik saniatigut, aalisarnermik pinialunnermillu piffissap ilaannaani ingerlatsisartut ukiumoortumik akuersissummut 1.500 kr.-neqartumut aalisarnermik piniarnermillu inuussutissarsiutillit pensioneqalersimasut ilaatinneqassanersut?

Inatsisartut suleriaasianni § 36 imm. 1 naapertorlugu Naalakkersuisunut apeqquteqaatit Naalakkersuisoqarfimma ulloq 8. december 2009-mi tiguaa.

17. december 2009
J.nr. 01.28.09

1) UKA 09 immikkoortoq 95-imut oqaluuserineqarneranut atatillugu paaserusunnarpoq, ukiumoortumik akuersissummut 1.500 kr.-neqartumut aalisarnermik piniarnermillu inuussutissarsiutillit pensioneqalersimasut ilaatinneqassanersut, utoqqalinersiuteqarnermik saniatigut, aalisarnermik pinialunnermillu piffissap ilaannaani ingerlatsisartut? Imaluunniit taakkua pillugit qanoriliortoqarniarpa?

Postboks 269
3900 Nuuk
Tlf. (+299) 34 50 00
Fax (+299) 32 47 04
E-mail: apnn@gh.gl

Apeqquteqaat 1-imut.

Siulliullugu oqaatigissavara, aalisartut piniartullu pissutsinik pitsaasunik qulakkeeriffigineqarnissaat Naalakkersuisut arajutsisimangilluinnarmassuk.

Aalisarnerq pillugu Inatsisartut inatsisaata nr. 18, 31. oktober 1996-imeersup allanngortinneqarneranut atatillugu aalisarnermik inuussutissarsiummi atuisut akiliuteqartinneqarnerat 1. januar 2010-mit atulersinneqassaaq. Inuussutissarsiutigalugu aalisartut taamaallaat, inuussutissarsiutigalugu aalisarnissamut akuersissutaatillit, pensionisiallit ilanngullugit, atuisut akiliuteqartinneqarnerannut ilaatinneqarput.

Atuisut akiliuteqartinneqarnerata atuutilersinneranut siunertaavoq, inuussutissarsiummut tassunga atatillugu Kalaallit Nunaata aningaasartuutaasa ilaat aalisarnermik inuussutissarsiuteqarnerup tigusussaammagit. Aalisarnerup nakkutigineqarneranut allaffissornikkut aningaasartuutit qaffariartorput taamaattumillu atuisut akiliuteqartinneqartalernerata allaffissornikkut aningaasartuutit appartissavai. Aalisarnermik nakkutilliinermik atuisut akiliuteqartinneqarnerat ilutigalugu aalisarnermik nakkutilliinerup nalinginnaasumik

annertusarneqarnissaa ineriartortinneqarnissaalu qulakkeerneqassaaq, tassunga ilaallutik tulaassanik nakkutilliinerup eqqunneqarnera, paasissutissat nalunaarsorneqartarnerisa ineriartortinneqarnerat kiisalu nakkutilliisunut piginnaangorsaataasumik ilinniartitsinerup pilersinneqarnera.

Akiliutip aningaasartaasa angissusissaa Inatsisartut aningaasanut inatsisaanni ukiut tamaasa aalajangersarneqartassaaq. Sinerissap qanittuani angallammik qalerallinnianut, saattuarnianut, nipsisannianut, saarullinnianut, qeerarnianut, suluppaagarnianut, nataarnarnianut uugarnianullu akuersissummut ataatsimut 2010-mi 1.500 kr.-nik akiliisoqassaaq. Sinerissap qanittuani umiatsiaararsorlutik qalerallinnianut, saattuarnianut, nipsisannianut, saarullinnianut, qeerarnianut, suluppaagarnianut, nataarnarnianut kiisalu uugarnianut 2010-mut nalinginnaasumik akuersissummut 1.500 kr.-nik akiliisoqassaaq.

Sinerissap qanittuani raajarniarnermut akuersissummut akiliummik akiliisitsiniartoqassanngilaq. Kisianni suliffeqarfiit (inuit, ingerlatseqatigiiffiit, umiarsuaatileqatigiit il.il.) sinerissap qanittuani raajarniarnissamut imminnut pisassiissutigineqartut, pisassiissutinut ukiumoortumik akiliut landskarsimut akilissavaat. 2010-mi pisassiissutinut akiliut tonsimut 60 kr.-uvoq.

Inussiarnersumik inuulluaqqusillunga

Ane Hansen
Aalisarnermut, Piniarnermut Nunalerinermullu Naalakkersuisoq